



**Inunnik perulunnertik aamma ikiorneqarsinnaajunnaarnertik pissutigalugu toqinnarusullutik
kissaateqartunut ikiuineq naalagaaffittut qanoq isummerfigissallugu kissaateqarnersugut pillugu
apeqquteqaat aallaavigalugu oqallinnissamik siunnersuut**

(Inatsisartunut ilaasortaq Randi Vestergaard Evaldsen, Demokraatit)

Siullermik Randi Vestergaard Evaldsen qutsavigerusuppara apeqquteqaat aallaavigalugu oqallinnissamik siunnersuutaa manna pillugu.

Uangut politikerit pikkoriffinerulertariaqagarput tassaavoq eqqartorusunngisatsinnik eqqartuillaqqissinerunissarput, taasisigut annaaqinagatsigit, unalu qulequtaq tamakkununga ilaalluarsinnaavoq.

Aallaqqaammut qujassutigerusuppara inunnik perulunnertik aamma ikiorneqarsinnaajunnaarnertik pissutigalugu toqinnarusullutik kissaateqartut pineqarneranni eqqartorneqarmata taamaallaat inuit katsorsarneqarsinnaajunnaarsimasut, inuunermik sinneranik qanigisaminnik peqateqarusunngitsut ingasattumik anniarnertik anniaateqarnertilluunniit pissutigalugu.

Inuppassuaqarpoq toqumut ersiginnittunik, tamatta aamma eqqarsaatigisimassajunnarsivarput qanoq toqorusunnata, uanga nammineq ipinissara ersigaara imaluunniit anniarlunga toqunissara aamma inuunerma sinnerani qanigisama ilaginissaat tamakkiisumik pisinnaananga anniarnera pissutigalugu, qungujunniarsarisarlunga uffa qungujussaqaarnanga eqqarsaatigisinnaasatuaralugu qanoq anniartigalunga.

Pingaaruteqarpoq naqissusissallugu inuup peruluttup aamma ikiorneqarsinnaajunnaartup toqunissaminut kissaateqarluni ikiorneqarnera imaalinnngisaannassammat, inuit peqqissut nappaateqanngitsullu imminut toqunnissaminut ikiorneqartalissasut.

imminut toquttarneq akiorniarlugu suli ilungersortuassaagut, inuit taamatut eqqarsartut allatorluinnaq ikiortariaqarput inoorusussusaat utertinniarlugu.

Uanga nammineq qanigisama ilaat takunikuuara qaamanermik kingullerpaamik takusoq oqalussinnaanani, uanga isikkut isigisinnananga imaluunniit assakka eqissinnaanagit, naluara tusaaneraanga oqarama qanoq asatiginni, peroriartorninnut qanoq pingaaruteqarsimatigisoq.

Taamanili annilaanngatigilerpara ullut arlaanni taamatorpiaq misigisaqassanerlunga, ima napparsimatigillissanerlunga, ima sivisutigisumik inuit eqqanniittut ilisimallugu, anniarunnaarnissara uannut ajunnginnerpaassasoq.



Siunnersuuteqartutulli eqqarsaatigisarpa siunissami nammineq inuunermut oqartussaaneq
pisinnaatitaaffinngussanersoq, katsorsarneqarsinnaanngitsumik nappaateqalersimangaanni uteqqillara
katsorsarneqarsinnaanngitsumik nappaateqalersimangaanni.

Qujanaq.